

مجموعه بنون

۱۱

جمعیت علمیه عثمانیه

برنجی پسته

جادی الال

نومرو ۵

استانبول

جمعیت علمیه عثمانیه مطبعه سنده طبع اول نمشد

۱۳۷۹



فوق الغایه موجب منویشاری اوله رق تزايد ایام عمر و اقبال و توافر
 فرو اجلال جناب شهنشاهیاری دعاسی تکرار قلمشدر
 اعضای جمعیت اجتماع ایتمک اوزره بر محل مخصوص اولدیغی جمعیته
 شمعییه قدر وظائف مقرر لرینک تمامی اجرا سنه دسترس
 اوله مامشار ایدی بودفعه برهتوال محرر سایه معارفوایه حضرت
 پادشاهیده محل مناسب تدارک اولمش اولغله عهد قرییده دیگر
 لوازماتک دخی اکمالیه مجموعه فنوندن بشقه مختصر و مفید کتب
 و رسائل ترجمه و نشر ایتمک و ایام مخصوصده مجانا عمومه درس
 و یرمک کبی مقرر و موعود اولان سائر مقاصد خیره سنک ایفا سنه
 مبادرت اولنده جغی مجزومدر

(سالف الذکر امر نامه سامینک صورتیدر)

مقدا با اراده سنیه بعضی ارباب دانش و عرفاندن مرکب اولمق
 اوزره درس عادتده تشکل ایتمش اولان جمعیت علمیة عثمانیه نک مآثر
 معارف مظاهرندن اوله رق مجموعه فنون نامیله بکچن ماه محرم
 ابتدا سندبرو ایده بر کره طبع و نشر اولمقده بولسان غزیه نک
 بر نسخده سی لقا کوندرلدی اشبو غزیه هر در لوفنون و صنایع و تجارتیه
 دائر مواد نافعه دینی شامل اولمغله مطالعه سی بالجمله مآثورین
 و صنوف اهالییه موجب فوائد عظمی اوله جفنده و اکنسب علوم
 و معارف واسطه قویه اولان بومقوله آثار مفیده نک ممالک محروسه
 شاهانه نک هر طرفنده اندشاری سلطنت سنیه نک تربیه عامه
 حقنده در کار اولان نیات جلیله سنه موافق اولدیغنه مبنی

مجموعه مذکوره نك جلب و مطلقه سی حقنده اول طرفه تشویقات
و ترغیبات لایقه نك ایفاسیله کرک ذات دولتری و کرک زیر اداره زنده
بوانان مأمورین و وجوه و اعیان بلده و سایر استک ایدنلر ایچون
ماه بماء نقدر نسخه اسانیلور ایسه مشتری اولنلرک اسامه سی مبین
دفترینک تنظیمی و بدلات معینه سنک جمع و تحصیل ایله جمیت
مذکوره ریاستی طرفه اسبانه همت اولغسی سیاقنده شقه
قسطیر و تسیر قلندی .

(اهمیت تربیه صبیان)

برشبثک فسادى بیلندکجه اصلاحی تصور اولغدیغی مشالو
برکسنه جهلنى اعتراف ایتدکجه تحصیل علمه ابتدار ایله جکی
قضایای مسلمه دندر بناء علیه اکنساب کمال و استحصال وسائل
حسن حال ایتک اسیانلر اول امرده کندو نقصان و قصورلرینی
تحری ایدرلر فقط اکثریا انسان حین طفولیتدنبرو مأوف
اولدیغی عادات و اخلاق حسن و قبحی تمیزدن عاجز اولدیغندن
ارباب رشد و رویت بو کیفیت حاله اطلاع پرده کش
حیلولت اولدیغی بیلرک بو بایده سائرلرینک اخطارات
خیرخواهانه سنی غرض و حقارته حل ایتوب برکلام حقیقت اسام
هرکیمک لسانندن صدور ایدر ایسه ایتسون (لاتنظر الی من قال
بل أنظر الی ما قال) قاعده سنجده قائله باقیهرق مقولی سنجیده
میزان دقت و اعتبار ایلرلر .
ایمدی مملکتزده آثار مدنیتک کرکی کبی ایلرولمسنه